



PRIJEDLOG

Na osnovu člana 13. Zakona o principima lokalne samouprave ("Službene novine Federacije BiH", broj: 49/06 i 51/09), člana 2. Zakona o pripadnosti javnih prihoda u FBiH („Službene novine FBiH“, broj: 22/06 i 43/08, 22/09 i 35/14) i člana 12. i 18. Statuta Općine Maglaj („Službene novine Općine Maglaj“ broj: 8/07, 3/08 i 6/08), Općinsko vijeće Maglaj na sjednici održanoj dana \_\_\_\_\_ godine donosi

**ODLUKU**

**o izmjeni i dopuni Odluke o općinskim administrativnim taksama i tarifi općinskih administrativnih taksa**

**Član 1.**

U Odluci o općinskim administrativnim taksama i tarifi općinskih administrativnih taksa ("Službene novine Općine Maglaj", broj: 2/19) u Tarfi općinskih administrativnih taksa tekst Napomene iza Trifnog broja 18 briše se.

Iza Tarifnog broja 18 dodaju se novi tarifni brojevi 19 i 20 koji glase :

**"TARIFNI BROJ 19**

1. Naknada troškova dostavljanja pismena

- u BiH, po svakom pismenu i svakoj stranci, osim lične dostave u Organu uprave Općine Maglaj	4,00 KM
- u inostranstvo	10,00 KM.

**TARIFNI BROJ 20**

Za korištenje službenog auta na terenu za obavljanje poslova za potrebe stranke, vrijednost naplate određuje se u visini 20 % cijene koštanja jednog litra goriva po pređenom kilometru."

**Član 2.**

Ova Odluka stupa na snagu danom objavljivanja u „Službenim novinama Općine Maglaj“.

Broj: \_\_\_\_\_/21  
Maglaj, \_\_\_\_\_ .2021.godine

PREDSJEDAVAJUĆA  
Svjetlana Zamboni-Radovanović

**O b r a z l o ž e n j e**  
uz Prijedlog Odluke o izmjeni i dopuni Odluke o općinskim administrativnim taksama i tarifi  
općinskih administrativnih taksa

**Pravni osnov za donošenje Odluke**

Članom 13. Zakona o principima lokalne samouprave („Službene novine FBiH“, broj: 49/06 i 51/09), propisano je da Općinsko vijeće u okviru svojih nadležnosti donosi i propise o taksama. Članom 2. Zakona o pripadnosti javnih prihoda u Federaciji BiH („Službene novine Federacije BiH“, broj: 22/06, 43/08, 22/09 i 35/14) regulisano je da javne prihode u smislu ovog Zakona čine između ostalog i takse. Članom 12. i 18. Statuta Općine Maglaj („Službene novine Općine Maglaj“ broj: 8/07, 3/08 i 6/08) propisana je nadležnost Općine za donošenje propisa o porezima, naknadama, doprinosima i taksama iz nadležnosti Općine odnosno nadležnost Općinskog vijeća za donošenje propisa o porezima, taksama, naknadama i doprinosima općine u skladu sa zakonom.

**Razlozi za donošenje Odluke**

Cijeneći da je u Odluci o općinskim administrativnim taksama i tarifi općinskih administrativnih taksa ("Službene novine Općine Maglaj", broj: 2/19) u Tarfi općinskih administrativnih taksa tekst prvog stava Napomene iza Trifnog broja 18 potrebno podvesti pod tarifni broj, te da se zbog visokih troškova dostavljanja pismena ukazala potreba za dopunom Odluke o općinskim administrativnim taksama i tarifi općinskih administrativnih taksa ("Službene novine Općine Maglaj", broj: 2/19) u dijelu Tarfe općinskih administrativnih taksa na način da se ista dopuni novim tarifnim brojem kojim se utvrđuje taksa za naknadu troškova dostavljanja pismena: u BiH, po svakom pismenu i svakoj strani, osim lične dostave u Organu uprave Općine Maglaj, u iznosu od 4,00 KM, a u inostranstvo 10,00 KM, sačinjen je Prijedlog Odluke o izmjeni i dopuni Odluke o općinskim administrativnim taksama i tarifi općinskih administrativnih taksa koji dostavljamo Općinskom vijeću na razmatranje i usvajanje.

Obrađivač:

Služba za boračko-invalidsku i socijalnu zaštitu,  
opću upravu i društvene djelatnosti



NACELNIK OPĆINE  
Mirsad Mahmutagić